

Na osnovu člana 16.stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 7/10), člana 13. Stav 1. alineja 10. Zakona o zdravstvenoj zaštiti («Službene novine Federacije Bosne i Hercegovine», broj: 46/10), člana 10. tačka 5. Zakona o zaštiti stanovništva od zaraznih bolesti („Službene novine Federacije Bosne i Hercegovine“, broj: 29/05 i Programa utroška sredstava na razdjelu 21-Ministarstvo zdravstva, budžetska organizacija 01, potrošačka jedinica 0001, ekonomski kod 61430, pozicija „Tekući transferi neprofitnim organizacijama“ Budžeta Zeničko-dobojskog kantona za 2016. godinu (Zaključak Vlade Zeničko-dobojskog kantona broj: 02-14-8656/16 od 19.04.2016. godine), Vlada Zeničko-dobojskog kantona, na prijedlog Ministarstva zdravstva na 58. sjednici, održanoj dana 09.06.2016. godine, donosi

ODLUKU

o odobravanju sredstava za provođenje obavezne preventivne sistematske deratizacije na području Zeničko-dobojskog kantona u proljetnoj fazi 2016. godine

Član 1.

(Predmet Odluke)

Odobravaju se finansijska sredstva u iznosu od 42.750,00 KM (slovima: četrdesetdvijehiljade-sedamstotinapedeset konvertibilnih maraka) za provođenje poslova obavezne preventivne sistematske deratizacije u proljetnoj fazi 2016. godine objekata i površina kojim upravlja Zeničko-dobojski kanton.

Član 2.

(Izvori finansiranja)

Sredstva iz člana 1. ove Odluke isplatit će se iz Budžeta Zeničko-dobojskog kantona za 2016. godinu, razdjel 21, budžetska organizacija 01, potrošačka jedinica 0001-Ministarstvo zdravstva, ekonomski kod 614300, subanalitika LAX002-Tekući transfer za deratizaciju.

Član 3.

(Organizacija i provođenje poslova)

Obzirom da je prema odredbama Zakona o zdravstvenoj zaštiti («Službene novine Federacije Bosne i Hercegovine», broj: 46/10), član 13. stav 1. alineja 10. kanton odgovoran za provođenje mjera zaštite stanovništva od zaraznih bolesti iz svoje nadležnosti u skladu sa propisima o zaštiti stanovništva od zaraznih bolesti, a Zakon o zaštiti stanovništva od zaraznih bolesti („Službene novine Federacije Bosne i Hercegovine“, broj: 29/05), u članu 10. tačka 5. propisuje obavezu provođenja DDD mjera u objektima i površinama kojim upravlja (škole, zdravstvene ustanove, javne ustanove, administrativne zgrade općinskog i kantonalnog nivoa vlasti, zvanične i nezvanične deponije otpada, obale vodotokova, javne zelene površine), a sve u svrhu zaštite stanovništva od zaraznih bolesti, nalaže se Javnoj ustanovi Institut za zdravlje i sigurnost hrane Zenica, koju je Zeničko-dobojski kanton osnovao između ostalog i za obavljanje DDD poslova, da u skladu sa usvojenim Programom provođenja proljetne faze obavezne preventivne sistematske deratizacije na području Zeničko-dobojskog kantona u 2016. godini, organizuje i provede poslova iz člana 1. ove odluke.

Izvještaj Javne ustanove Institut za zdravlje i sigurnost hrane Zenica o obavljenoj proljetnoj fazi obavezne preventivne deratizacije u 2016. godini razmatrat će se na sjednici Vlade Zeničko-dobojskog kantona, a usvajanje istog će biti osnov za transferisanje odobrenih sredstava.

Član 4.
(Realizacija Odluke)

Za realizaciju ove Odluke zadužuju se Ministarstvo zdravstva i Ministarstvo finansija, svako u okviru svojih nadležnosti.

Član 6.
(Stupanje na snagu)

Odluka stupa na snagu danom donošenja i bit će objavljena u «Službenim novinama Zeničko-dobojskog kantona».

Broj: 02- 14-11261/16.
Datum, 09.06.2016. godine
Z e n i c a

PREMIJER

Miralem Galijašević

DOSTAVLJENO:

1x Ministarstvo zdravstva
1x Ministarstvo finansija
1x Javna ustanova Institut za zdravlje i sigurnost hrane Zenica, putem ministarstva
1x Gradonačelniku/ općinskim načelnicima Zeničko-dobojskog kantona, putem ministarstva
1x Domovi zdravlja, putem ministarstva
1x «Službene novine Zeničko-dobojskog kantona»
1x a/a